

崇百藥齋文集

崇百藥齋文集第八

陽湖陸繼輅祁孫

伊闕訪碑集一

自永寧至洛陽道中作

明明鴻爪印天涯一領青袍十斛沙
擬借秋燈續文賦不如先德是年華

細數平生國士知義山賦手牧之詩
而今已悟才名累祇覺山城作客宜

春前燕語費商量果喜簾櫳似故鄉
十二曲闌都惜別不教攜去是斜陽

試畱夢影付他年山到重游便可憐
三折江波二分月

又添城郭暮雲邊

棄婦篇

十三工織素十四解相思十五別阿母遣嫁一何遲繁
星飾嬌鬢旭日明羅幃時乘燕婉良爲歡信無期頗聞
東鄰女空谷閼幽姿相形感君意使妾難爲辭妾貌隨
月滿君心逐春移始願異操作積愛成怨尤忽忽出後
閣却往別鄰姬當子施衿日是妾覆水時寄言士君子
躁進徒爾爲

徐同年

松

官湖南學政被劾遣戍新疆相見洛下

詩以送之

空言掃前代實學昌

皇清嗟哉張夫子

惠言

遽主扶容城李生

兆洛

令劇縣

案牘堆縱橫得無妨故業差喜蜚循聲惟君職清暇庶
望著述成持節浮沅湘芬芳擷荃蘅奈何不自檢涉此
萬里程塞外渺文籍曷助考覈精頗怪昌黎公創論未
可憑三傳束高閣何用窺遺經因茲念遷客愴然惜遠
行恩讎薄張祿憔悴卑屈平君懷自磊落無事虛丁寧
得宛鄰先生書並所著送蔡大令

鴻燮

詩四章喜

兩賢之果已定交而又憫其速別也作此報之並

寄大令

得書諒足慰矧與燮也知奈何結新歡亦此成乖離知
君篤氣誼歲寒符所期車裘尙思共何論鼎與彝薪木

猶可懷何論蕙與芝不慮投分難但恐別淚滋以我薦
賢意誤君兩相思

浮生寡恩怨何用見吾真好賢而嫉惡黑白苦太分比
讀老氏書戒我同其塵識卑道彌廣心死身乃存電光
所照見妍醜何足云庶幾委化日脫然返無垠

洛陽市上得漢鏡一枚付從孫誠應藏之并示以

詩

客裏相看意有餘嬰嫗學語漸堪娛時學作制舉文漸有條理願兒
兩眼明如鏡讀我生平未見書

一歲音書盼阿循性情不似舊來淳人生婚宦知難免
照取兒時面目真

別後二首

織情向遙夕涼露忽滿衣豈不念蕉萃矜持意轉非橫
波憶前朗綺絃惜今稀新蟾緣底瘦不似暮雲肥
逢君風雪裏春顏向人開時序本何常客心自有哀今
宵好風月孤影惜清輝簾紋侵瘦骨不柰玉山頽

秋雨六韻

秋雨灑然至涼意生羅衿呼童下簾坐展卷還撫琴此
時獨客懷已作歲暮心添香爐火燼照影鏡光沈卽事
多所拂始知別恨深猶恐旁人覺時時一高吟

晚霽七韻

雨歇意微墜緩步行莎汀十日不涉園蜀葵忽已零警

鶴迷藏影窺窗放筆聲石經雙坐暖闌因待燕憑本欲
遣愁寂翻茲百感生追歡旣成怨撫序矧易更誰能遲
明月分照此時情

市上得銅器二種各賦一詩

古戈

中夜休長嘯珠光已暗投依人頽俠骨咬汝乏饑頭百
戰楊無敵平生馬少游千秋渾易盡辛苦豹皮留

古鑱

早衰需藥物得汝復何虞却問杜陵叟真堪托命無絕
壁一藤瘦嚴霜九節枯香秔差易熟爲我毀丹爐

相憐

自有天涯感相憐亦偶然誰知舊來意難向別時捐故
壘愁歸燕新寒咽暮蟬長娥底心性秋夜易成圓

鄭大令

敏質

以古鏡見貽云秦時物也

空煩一炬燬阿房故物依然出尙方他日可能分鹿馬
此時猶與刻鸞鳳星芒曉避宮中影七首寒侵柱上光
十二金仙休灑淚更無人爲感興亡

孫秀才貽一古鏡文曰建安爲賦一詩

中宮奩具倩誰收回首興亡一鏡愁照影乍驚三貴嬪
有星方孛五諸侯敢求故劒師前代便鑄銅盤閱幾秋
除是洛川無恙在采旄長見踏波游

又賦隋鏡

傳紅寫翠太忽忽大業山河月影空天子頭顱渾自笑
美人眉黛竟誰工照來秘戲開唐殿愁絕殘粧向虜宮
漫憶雷塘三尺土青燐如雨落秋風

別日

歡情成昨夢別日復今朝愁邊驚玉釧空際聽瑤簫簾
紋橫榻展筠管近窗拋還我懷中汝當秋遣寂寥

門人呂州倅

又誨

暨魏

炳然

盧

象南

董

麟經

魏

詔四明經飲我於九龍臺席上作

龍門北望見高臺却話前遊共舉杯野色千盤新雨後
炊煙百道暮雲開何人更續名園記顧我先慚作賦才
他日問奇休載酒感秋容易玉山頽

答魏洛陽并序

魏君以治獄畱開封五旬矣書來意有所諷拳拳良厚
徒以未宣鄙懷乃至憂樂殊致賦此答之非敢多所文
飾將以遂明天人同異之故不覺其詞之放亦所謂微
君無以發吾之狂言也

醇酒衆所嗜致疾苦未知澆花自抱甕勤力乃其嗤神
仙有眷屬豈事衽席私銀河阻良會牛女長相思情欲
旣殊感勞逸夫何疑古有灌園叟樂之不爲疲一一懸
金鈴時時拂蛛絲愛護日益深飄零詎忘悲要其絕豔
初固已副所期百年何迢迢爲歡常苦遲樗蒲及狗馬
稟性諒不移君子遇以神皎月臨清池小人溺其迹荆

棘生藩籬好色非國風姬姜亦行屍於乎天人界判若
雲與泥放言答良規逝將遊希夷

幽蘭篇

幽蘭忽已零百草有衰色諒哉衆香祖榮落係通塞殷
勤謝君子厚意固莫當愛憎各乘時貴賤詎有常憶初
託根誤萋萋傍頽牆無心妬桃李頗自矜芬芳一朝被
恩知葉葉生輝光一石百金易一屏七寶賤寧不感殊
遇引退心傍徨恐以今時寵彌迴別日腸秋風爾何來
殘暑浩如洗形迹當乖離節序值遷徙願減纏綿思慎
保金玉體聚散若循環大義結終始

明鏡篇

明鏡贈醜女不若霾寒灰寶劒貽懦夫不如閼泉臺柰
何兩美合復此恩情乖皎皎三秋月婉婉雙蛾眉向午
曉粧竟持照仍千回艷質一朝去晝燭虛光輝綺窗及
繡幌朗朗無纖埃撚帶看雲遠分花記讌迴明明舊來
影畱取向春開

團扇篇

團扇復團扇秋別夏還見殷勤藏篋笥何因便成怨迢
迢山上雲飄飄水面萍天生無根蒂那有故鄉情故鄉
在何許望遠空凝佇底物滿平蕪秋風與秋雨秋雨自
年年經旬綬綺絃琴成君不御不若爨中煙

浮名篇

處士盜虛譽難見乃易捐衆好不足憑羣疑當復然吾
慕柳下季開懷納嬋娟此心寧求諒終並日月懸鄙哉
魯男子不恤終夜寒浮名如鴻毛君子行所安

舊游篇

不經舊游地如忘舊游人朝來一徘徊覺此魚鳥親茗
老阻芳訊淒淒惜良辰我亦動歸思飄作東西塵河陽
八九月氣爽天如銀繁英媚疎籬春意同歡欣還留好
風日待君顏色真君來如復去且莫轉雙輪

望遠篇

蓮葉何離披秋雨矧未歇美人期不來遙情阻天末閒
庭坐晚霽素月流疎林美人期不來良宵倦幽尋我有

金鵲鏡明矚兩相映美人期不來新粧爲誰靚我有綠
綺琴清含山水音美人期不來調苦韻易沈繫君宛轉
絲佩我雙連環要盟誠可渝密誓忽已寒安用錦字書
殷勤勸加餐朝出採文無夜夢撫刀鐙終因南飛鳥望
君生羽翰

聽雨

聽雨簾櫳燭易昏最矜嚴處見溫存胸前寶釵嬌難解
膝上香羅縐有痕淺暈頻教羞妬眼莊言特與護消魂
別來偏是多高會獨看蘭缸盡一樽

題外兄莊君存畫松

司馬當年悵漢潯樹猶如此我何任卽今老榦渾無恙

誰與同參歲暮心

詠春潮和董十九

士錫

春來病緒太纏綿
慵聽枚生發七篇
夢裏吳船輕似葉
望中越女遠如仙
歸心浩蕩隨千里
舊約因循又一年
多事錢王排萬弩
香車已到六橋邊

再賦秋潮

垂手分明見倚樓
白蘋紅蓼畫中秋
可容打槳迎桃葉
苦憶題牋字莫愁
芳訊那教憑斷雁
舊盟真愧負閒鷗
申江風雨錢江月
不信篷窗是夢游

對影

對影由來最可憐
簾波垂處隔人天
綠雲香重團成雨

寶釧聲輕觸似絃已分秋心託芳草悔將靈藥駐華年
銀河水比瑤池淺十萬何因借聘錢

案頭供菊一本花殘移置庭中愴然有作

覆水蘼蕪曲斜陽薜荔牆陽關不在遠一步斷人腸乍
失燈前影難成病後粧清寒今夜月淒絕舊霓裳

花鈴行

董生遺我護花鈴屬我試作花鈴行洛陽園林甲天下
爲汝懷古生遙情金谷蕪穢汙山靈金銀氣掩蟾蜍清
美人碧血春風腥并入花霧吹冥冥憐汝無力敲冬丁
宜壽二字誰所銘得毋閒居賦始成誼取奉母祈遐齡
烏稗弱枝交蔥青三桃二柰紛晶瑩賴汝繁響驚雛鶯

惜哉養拙辭匪誠同歸有識鴻毛輕此時風雨方縱橫
鈴聲郎當安可聽或如瓦碎如沙崩疇拾遺物悲飄零
不然元魏崇禪燈東有景樂西永寧瑤光奪堦門晝扃
琪花寶樹窮山經枝上一一懸瓏玲爾朱一炬光熒熒
無復香雨飄三乘膏血化作飛灰傾佛救不得涕滿膺
更於何處潛汝形獨樂寒儉無池亭安樂一窩草滿庭
無所用汝搖春晴庶幾乎泉唯德馨孤寒八百來斯迎
公門陰陰桃李盈芬芳雜佩荃蘭蘅含響畢達鐘磬笙
餘愛及物心叮嚀安得萬樹無落英公時花下斟綠醺
欣然聽汝相和鳴果爾寶汝逾瑤瓊忽聞鈴語空中騰
恍若嗚咽思前生倘公重來相

虞廷用汝譜入簫韶聲

魏大生日小飲有作

相顧欣然懷抱開天涯兄弟此銜杯燕郊裘敝衝寒去
潞水舟輕載夢回元白才名渾一噓應劉交誼有餘哀
期君早踐歸田約十月江南已放梅

有贈

一樽珍重慰塵勞却話嬉春感二毛臨穎美人新劒器
潯陽商婦舊檀槽山容半掩文君黛草色全衰庾信袍
如此天涯能共醉也應有夢到江皋

代人畱別

抱琴遠相詣箏篴有競聲勸我早還山君淚忽滿膺托

業悔殊俗貶道羞希榮誰能啟聾聵爲我聽和平君無
薦士權好晦識曲名淫哇方聒耳謬賞隨賓朋違心我
所諒割愛君匪輕行矣會面難慎保中歲情

別怨

絮亂花繁淚暗揮嬉春可柰素心違蛾眉肯讓情原薄
燕壘雖空夢亦歸幾度蘭膏羞却扇強留香篆待披帷
高樓西北分明在且任浮雲四面圍

有憶

空閨情緒太惺忪昨夜分明見落紅腸斷畫樓西畔路
曉風吹夢已無蹤

蘭氣撩人乍有無目成剛趁月模糊如花嬌靨如蓬鬢

絕妙瓜棚夜話圖

水田衣惹落花紅擬託微波語未通忽憶梁溪舟一葉
倚帆愁聽上方鐘

董十九寄贈金鵝鏡卽事成詠

潘鬢星星柰鏡何望中夢影未全訛春顏似雪嬌難撫
寶淚如珠灑不多隱隱添香窺拜月明明扶檻見迴波
而今但祝新巢穩莫趁填橋又渡河

答董十九

闌干一角費思量草長苔濃易夕陽賴有傷心堪度日
早因損肺罷焚香簾吹淺浪橫金索墨贖殘丸駝玉牀
珍重雕籠鸚鵡在伴人話舊到昏黃

詠史

月暗田蚡宅風高王濬舟且須防反側切莫快恩讎
將懸金印羣才仰大裘似聞憂盛滿罷索魏齊頭

送鴈

空庭見征鴈杳杳帶雲飛我亦反哺鳥殘年何所歸
稻粱行處少毛羽向人非送汝衝寒去蒼茫天四圍

武后自書夜讌詩墨蹟

一代家規視開國大業官人進裴寂太宗復亂巢刺妃
從此牆茨埽不得賭棋甫奪昌宗裘三思旋點雙陸籌
宏農樂府歌得寶新臺魚網蜚鴻愁此時宣華謗聲止
未料興朝亦爲此隋唐得失事偶然況有寶兒能烈死

蕭娘一賦傳千春此姬翰墨尤絕倫更衣倘使殉貞觀
惋惜奚翅王明君煌煌萬歲通天字天假長年竟何意
若論剖決萬幾才孱子誠難付神器春燈張樂樂何如
爲問梁公侍宴無妻絕房州一片月夜深流影照皇都

游仙曲爲陳九

若欽作

蘭膏欲燼金蟲茁秋士槭愁豔思發一聲誰擊西盈鐘
手弄鮫珠朗於月熒熒釵發明堆鴉湘江乍翦紋猶斜
明姿灼若兩菡萏不着片葉風前遮此時吟魂杳天外
非喜非驚亦非愛通辭何計託微波望斷香羅去時帶
重逢敢盼隔宵期從此人天那可知不信金蓮生步步
未教銀燭刻遲遲蕭郎內視神初定三生舊約分明証

綠綺羞調嬭女琴玉臺漫獻髯奴鏡隱隱窗紗欲曙天
來時荏苒去遷延乍來好夢初離影如此良宵絕可憐
虛傳樂府龐狐曲牆東人本清如玉我亦疎狂署謫仙
上清書記披香讀絕倒方平五百鞭麻姑一別又經年
片帆遙指津門路流水蒼茫起暮煙

偕子宋小松申甫祭詩因寄彭城君

傳徧東山詠雪辭一家婦女盡能詩近憐道韞吟懷減
却使秦嘉得報遲草草華年成底事團團陳迹費追思
可憐各有千秋想金鑄塵埋兩不知

寄屠二湘

憶送輕帆滬水濱河陽小住又經春三年薄宦憐名士

一騎啼妝託美人
謝女樓前花作雪
崔公墓上草如茵
旁觀耐煞遙天月
舊恨新愁滿玉輪

哭周主簿

爲漢

半生懷抱向誰開
如此人間信可哀
作賦且教天上去
不知果否有樓臺

春夜被酒得句輒書

倦吹筠管罷調絃
不信花枝妬獨眠
聽盡喁喁窗下語
祇應明月見猶憐

說偈譚經總費才
由來明鏡本無臺
者番度却雙棲蝶
香夢如雲喚不回

珍重新詞唱柳枝
分明煙裏見絲絲
美人心死君王妬

俊殺周郎是此時

誰遣忽忽細馬馱回鞭隱約見橫波劉郎在受風流譴
羅韞塵生柰妾何

絕憶山城早放衙樽前薄醉帽簷斜春泥只種三珠樹
壓倒潘郎一縣花

桑陰如幄聽傳呼煮鶴焚琴事有無我覺使君終解事
不曾陌上怒羅敷

花月分明待舉杯可知行樂亦須才青山底事愁如許
一片濃雲埽不開

銀河爲帶月爲環如此年華鬢易斑乞取胡椒三百斛
盡驅雞犬製還丹

臨邛客緒太無聊解穠花奴語最豪我是東鄰狂阮籍
不會辛苦學勾挑

一樽邀與話離愁山色湖光感昔遊剖盡木奴三萬顆
更無人憶洞庭舟

春衫無計浣緇塵游戲還應見性真不柰菱花鏡中影
輕顰淺笑鎮隨人

英雄兒女總關情半是秦聲半鄭聲一樣中年絲竹癖
不煩心苦爲分明

見說春生細柳營輕紅小白試新晴健兒不待將軍令
破曉先飛一騎迎

燭暗香殘淚滿襟琵琶絃急動哀音郎君漫打黃金彈

此是天涯反哺禽

忽忽拚試別魂消生小蓬門近灞橋七尺生紅親手繫
暗中且得抱郎腰

了了山容見貌姑恨無人寫洛神圖烏他親手緘封去
仿髭還應記雪膚

爲誰繡徧柳絲裙說與天孫聞未聞那不留將瓊玉酒
迴車來奠信陵墳

獨立蒼茫自詠詩杜句由來宋玉有微詞不妨誤我飛升
去口孽生平懺已遲

碧月

碧月復窺戶悄然庭院深似忘何處約難解此時心燕

豈聞長歎蟬疑和獨吟丁寧合歡枕好夢倘重尋

引鳳謠

桐花開鳳徘徊桐花落鳳寂寞待鳳來登高臺鳳不來
朝雲顏待鳳來坐深苑鳳不來月輪遠待鳳來倚修竹
鳳不來春衫薄待鳳來傍疎林鳳不來秋霜侵鳳不來
洞簫罷雨瀟瀟阻仙駕鳳不來朱絃停風搖搖斂玉局
鳳不來在何許夢見之刷翠羽鳳不來來何時夢見之
飄雲旂紫霞杯駐君顏鳳不來金漿寒黃金印繫君肘
鳳不來解雙綬塵黯黯車輪轉鳳歸來路迂緩波淼淼
錦帆張鳳歸來水阻長引鳳謠知音稀君爲我吹參差
蜂與蝶雙雙棲鳳歸來君知之

後引鳳謠

并序

客有讀余引鳳謠而善之者告余以所隱固請復之輒爲賦此

鳳兮歸來空山不可以久處兮木客一足學人語兮鳳兮歸來荒城不可以久居兮封狐無偶求與俱兮鳳兮歸來有奕奕之紫芝與涓涓之玉露羌舍此而遠適兮疑主人之汝忤使見幾而遽作兮胡含意而未訴夫果覽德輝而來下兮何所不可諒而逢怒寧不能持裙以畱仙兮妨就新而去故姑嘗子以離別兮將伶俜而自悟旣數日而猶未返兮匪徘徊於中路凡前言之所警兮誠予心之有怖豈文采之殊絕兮亦塵埃之易污鳳

兮歸來予逝與子遊西池而證道兮託慈雲之永護如
已合而終乖兮曷衆中之一顧願待子以終古兮謝同
羣於鷗鷺

崇百藥齋文集第八

受業黃承憲校字

崇百藥齋文集第九

陽湖陸繼輅孫

伊闕訪碑集二

銷夏漫與

朝涼如晚春暮涼如早秋氣候豈云異人心有歡愁飛
光不惜別寸陰難可留子慮來日難曷視去日適今子
不爲樂緜霜行上頭所悲樂意淺未足娛我憂洞庭作
醇酒與子築糟邱

行樂亦何常浮生有通塞荷衣及絺繡各從體所適賤
士負經濟熱官慕泉石反脣必兩窮違心類深癖一客
傾耳聽微笑君豈識

宏農旣得寶江如寵日移競退本殊志匪由顏色衰永
巷晝岑寂撫序傷長離爭憐詎無術媿負絕世姿義命
苟自安一決無然疑世人貴苟得銳進不爲疲不逢山
下鬼誰悟治容非

哭伍堯祭酒并寄吳博士

嵩梁

浮生許寥廓復喪一知己豈惟知己悲善人國之紀詩
龕方丈地中集百君子使我交道廣握手及萬里木葉
當秋風飄零自今始

南宮初下第謁公顏不舒公爲設長筵悉召窮者徒乍
聞譚娓娓旋聽歌烏烏此時得喪齊浩然見真吾公乃
從容言浮榮信區區千秋有絕業大道無窮途公今不

可作遂恐氣類孤嗟哉二三子聚散復何如

握手

握手忘吾億羈懷付汝憐頻番悲小別一笑駐華年絕
調朱絃斷歸心白髮牽向來商去住媿贈繞朝鞭
爲喜元方至因之憶季方拋余成獨坐置汝復誰旁曉
鏡憐潘鬢秋衾冷鄂香未須申後約旦夕束歸裝
每魏大他出余輒有所苦如是屢矣頃以引對

入都又大患下血詩以遲之

離君便爾病纏綿未必都緣別緒牽熱血多人原一斗
麻衣脫體又三年金丹漫擬求王母玉貌何堪認仲連
却對秋風成獨笑可能吹起藥鑪煙

燕羽

西風燕羽感差池稍定新巢慰我思細語共誰通夜坐
重逢已誤隔年期竟拋玉軫從人惜待製荷衣爲汝遲
只是病懷難遣處秋陰黯黯鬢絲絲

蔣大

學沂

書至云家弟

芝田

自武昌入都方送周

二

爲漢

作粵中之遊傳其死者誤也狂喜有作

一笑冠纓絕坡公竟尙存人才今有幾天道尙堪論文
織蠻雲艷名偕古佛尊翻憐前夜夢相見是生魂

送鶴篇

天蒼蒼兮四垂雲澹澹兮低飛獨裴裒于空庭兮見孤
花之自開鶴之來兮何許匪蓬山兮無侶歷九州兮擇

主乍塵中兮遇汝寂歷兮茆廬風蕭蕭兮四隅果有志
於乘軒兮胡鬱鬱其久居知鷄鶩之爭食兮非汝心之
所樂念骨相之清臞兮何朱門之可託雨淫淫兮水深
沾別淚兮盈襟鶴歸來兮故林浸太清兮初心

詆鸚鵡井序

陳將軍蓄鸚鵡二皆不能言戲請詆之作此

隴山有珍禽是名曰鸚鵡元裳而翠衣毛羽頗楚楚飼
汝選綺食攜汝上瑤階庶幾吾舌在佇聽卿言佳蓄汝
不能言不如一布穀聲聲勸春耕使我田禾熟蓄汝不
能言不如一促織繁音警嬾婦中宵勤紡績蓄汝不能
言不如籠中雞食君竈下粟爲君向曉啼蓄汝不能言

不如枝上蜩快然鼓雙翼樹古秋雲高出亦不聞聲入
亦不聞聲啄餘香稻粒狼籍盈中庭花旣不解語石亦
無所憑坐令琴樽地寂歷如荒塍客過黃鶴磯寄謝禰
處士願反金人銘一雪仗馬恥

得劉大

嗣富

書書後

翦燭幾回看茫茫集百端雲飛歌袖散月盡夜珠寒門
巷無歸燕神仙誤彩鸞申江不化淚一慟盡情難

采菱

淼淼橫塘水浮花柰爾何根從牽宛轉心已厭風波畫
檻垂紈扇斜陽發櫂歌誰家鑄明鏡微步見湘娥

攜手

河陽今夜月攜手若爲歡人恐乘風去庭疑積雪寒
仙裙半縐倚幌淚初乾不信狂塵裏幽輝一例看

連日得汪主簿

治安

書及詩戲答

爲有汪倫河畔住秋風一鴈不停飛尊彝到眼輕秦漢
環燕關心問瘦肥戒我露濃耽夜坐知君歲儉忍朝饑
只嫌醉墨欹斜甚欲和妃稀是也非

秋夜與錢六丈各有所夢哭而醒枕上作此因寄
彭城君

鄉思分明赴早秋天涯各有淚雙流三年燈火離人影
一葉蒲帆下水舟鏡裏朱顏憐瘦損盤中錦字怨沉浮
何時重讌東山雪柳絮因風句再酬

前詩六丈暨申甫俱有和章代彭城君書後

讓棗爭梨事有無池塘夢遠草痕蕪卅年族望凋王謝
一代才名重李盧可信晚成能玉汝漸荒幼學愧從姑

浣青詩社鳴秋集珍重家風手共扶

乾隆間一門叔父於文敏公邸第結

浣青吟社後竹初從祖崔文曼亭觀察冠之姑母又刊倡和詩一帙曰鳴秋合籟

魏大書至知還洛有日先寄一詩

少年虛譽動公卿老我頽唐託友生
驗取別來歡緒減曉鐘殘燭故鄉情

聞婉清將至

早秋天氣未全涼勞汝渾河一葦杭
藥榜已題猶待揭梅林遙指便聞香
乍憐風日朝來好料得腰肢別後長

正是去年相送候藥鑪無恙髻添霜

婉清至

殷勤手爲拂征塵顏色依然向我真
久雨簾櫳初見月
苦寒庭院乍逢春
教看衫袖斑斑淚
細數書笥六六鱗
爾許離懷拚一訴
可憐何計更憐人

簡魏洛陽

故人如黃葉飄零各天涯
何圖我與君嬾婉閱歲華
窮達固偶然倚汝慚蒹葭
感汝適客心我樂不憶家
頃者逢秋陰雨脚紛如麻
身逸意轉勞去住成咨嗟
因君河陽樹念我籬邊花

孫郎

讓

需次久治劇宜所優助理迎故人相約臨淮舟

我聞忽惆悵浩然懷故邱賈生愛我篤爲我借箸籌山
妻期弄璋弱女已相攸安得如生言一決不再謀

曰歸豈不樂欲行復遲遲倘亦得一官相聚知何時君
仕垂十年羌無買山貲前車旣如此後轍行可知不如
歸臥好樂歲聊忍饑

答魏洛陽

隱谷一花發河陽空萬樹榮落在春風安能諉時數

附元韻

庭前一株桃雨中開滿樹風日轉晴和落花已無數
再答魏洛陽

春禽競朝陽秋林有倦翼靜躁君自知天風豈無力

附元韻

春來如學繡春去似歸翼未到百花殘東風已無力

寄趙新安

用韻

絕倒泉唐趙倚樓天涯何處有菟裘祇應水竹關清夢
信得蓬瀛是舊遊玉塵旁揮人曠代璫簫低按月橫秋
塵中我亦矜仙骨待挈雙成跨碧蚪

蔣四

維時

竹坪圖

饑驅三十載歸志苦未就瀟瀟數竿竹空復令君瘦
椎髻梁鴻妻蕭然坐清晝忽覺非故鄉艱哉一椽購何時
共牽蘿輕寒護雙袖

無竹君思歸有竹我爲客空谷懷佳人玉顏恐非昔昨

者得一書開緘有慚色瑤筍三抽芽漸覺花徑窄遲君
手共刪亭亭出奇石生年已如許寧未壹通塞敝矣季
子裘歸哉繞朝策

哭同年劉永寧

厚基

秋初與君別對酒顏不歡君言卽相見手指月再圓赴
至一驚絕轉念疑訛傳君貌本豐下君骨尤嶮岢庶幾
同巢禽見此一鶚搏爲善不蒙福禍淫復何權排閭杳
難問萬事付偶然

傲骨胡可矜閒情信爲累咄哉強項吏乃下鄂君拜長
官嘖有言跌蕩意彌快元忠方飲酒僕射非所愛我從
競進場旁觀賞獨退甫傾一寸心償茲萬行淚旣傷歸

骨遠兼痛遺經廢

君無子

默然視移陰獨坐若夢寐

苦雨

節近重陽客憶家
閒庭風雨鎮橫斜
明朝暫放新晴否
畱住秋塍蕎麥花

徐新安

秉懿

以生平所爲詩三千餘首屬爲點定

未卒業而赴至愴然有作

前日得君書開函墨華艷
裁報我稍遲已作墓門劔
人生石火光卽事得明驗
奈何挾奢願輒擬福慧兼
君年雖甫艾世味知已厭
造物逸君死快若別荒店
而我學道晚情根苦難懺
豈惟逝者悲惻愴行自念

富貴不終恃文字始有權
君之于爲詩庶幾勤且專
洋

洋數萬言寧乏片語傳世人惜恒榦靈氣固已捐還將
千秋業慰君百年怨

寶劍篇

寶劍寶劍無纖塵寒冰三尺驕陽春主人持贈意珍重
惜我恩讎兩無用牀頭一繫二十年往往因風欲飛動
劍乎酌汝酒一栢一人之敵胡爲哉吾將毀汝鑄作硯
恐著刑書工鍛鍊不然規汝作洞簫噍殺豈足諧咸韶
一師之傳不同志一山之金不同器若論生質溯厥初
刀戟鋤犁亦何異還君寶劍勿贈人吁嗟劍術久失真
悶雨和魏洛陽襄

夏麥旣遭旱秋穀思御冬愆陽變伏陰酷虐將毋同讀

君憫農詩哀音叶蜚鴻我雖此爲客飽食期年豐此時
江以南早稻已就礬北地拙耕作暘雨貪天功溝恤誰
所廢蓄泄兩易窮區區補救力徒恃倉廩充今年罷轉
漕官儲亦九空浮饑事恒有何術資彌縫惟茲痼瘼念
庶幾格蒼穹人事安可知天聽則已聰

附元作

我官斯土曷不念民失所雩禱得旱祈晴得雨何以
對此困阨民寒不敢衣絮飢不敢食黍誓同死生不
言苦嗟哉此何語爾卽凍餓而死豈惟不足惜豈但
無所補小民怨汝詈汝

天子付爾以此民豐年責爾富教凶年責爾安撫食

爾以厚糈衣爾以繡黼盡爾心之所能至竭爾力之
所能舉誠與僞天心知嗟哉爾今作何語

久雨乍晴適申甫自宜陽至同步郊外因寄彭城
君

青山乍見若故人別來彌覺顏色真又如思婦病初起
捲簾忽覩晨妝新重重接芳草曖曖連晴雲秋林不著
一黃葉濃青淺碧細意皴出江南春錢郎玉貌女嬃似
山容娥媚還如君故園都作幾年別鄉味漸欲忘鱸莼
行將築室傍笠澤山靈識是天隨孫坐攬雲鬟霧鬢七
十二安用裹糧五岳勞雙輪新詩贈君作息壤相視莫
逆情歡欣更書一紙寄道韞且教暫展眉間顰

子夜歌

妾賦凝塵怨郎續歡聞歌歡情與別意持較定誰多
邀郎共奕碁賭取合歡橘不喜儂碁勝喜與郎雙活
玫瑰蒸作露紅徹紫霞觴郎自愛顏色妾自惜芬芳
專城亦何好愁雨復愁風披帷望朝日快若初見儂
袖出行波箋索郎作狂草儂不識草書但覺草書好
聞郎誇妾美妾意不敢當轉因鄰女妬始信貌無雙
嗔郎耽夜坐獨倚合歡牀不知今夜月清輝底許長
手書唐韻本珍重待郎吟郎吟妾忘倦不必是知音
妾愛秋菡萏郎愛春薔薇薔薇高出屋花落傍誰飛
挑燈理吳棉裝作合歡被厚薄儂不言冷暖郎自試

阿嬈喚女去定復永今夕郎欲儂歸來早商接儂策
憶儂初見郎恃愛如欲進翻因郎見喚含羞未成應
郎說連環好連環放不平唯應互纏臂雙坐復雙行
儂畱共歡笑郎自獨沈吟此時明月上何事不關心
宿昔共郎奕手自界烏絲但畱空局在相見應有碁

附同作

錢相初申甫

秋風何太早拋却齊紈扇倘憶相逢時執此與郎見
碧葉何田田尋蓮復等藕蓮蕙在妾心蓮花在郎口
郎如江上雲妾似江頭水雲從江上來照在儂心裏
珍珠拋百琲不是掌中身目成偏汝獨艷殺滿堂人
莫灑相思淚淚浥土花透多恐畫闌前經春發紅豆

字妾雙清子吟成付妾歌歌時識郎意強半爲儂多

送陳參鎮

弼

帶兵赴滑縣

饑民聚爲盜其志在得食君今雖往勦慎勿恣攻擊君
昔在楚蜀力戰著偉績頗聞好奇計是皆臨大敵秋霖
乘夏旱蜚鴻遍河北民間鮮蓋藏求活出下策得無親
民吏撫卹猝未力否或懲探囊操之爲已迫天災復官
刑生命更誰惜誠知爲亂誅且冀延旦夕軍門下急符
靖變固君職奮然投袂起士氣一當百嗚嗚畫角聲湛
湛佩刀色我來送君行吉語異衆客不願官職遷但祝
盜魁獲脇從罔屠戮寬大安反側曲突誠後時揭竿未
爲劇期君匝月還飲我盡一石

聞滑令被難賊據大伾山勢頗劇再寄陳參鎮
貝州縛王則海上殲孫恩彼雖處僻陋近事寧弗聞果
因迫饑寒暫欲求饗殮振廩有

明詔有司敢逡巡曷不忍殘喘其沐

天子仁乃知慈悲法不度泥犁魂嗟哉復何言努力除
荆榛

寄崔公子

曾益

待誰疎越聽朱絃絕調唯應卓女憐報我瑤牋盈十幅
滯人翟第又三年遠山是處逢眉黛有客經秋飽玉延
賢兄曾震嘗一應順天鄉舉不終試而歸今杜門養病有終焉之志差喜一鞭歸騎速不
煩重賦

帝京篇

賊攻濬縣甚急董三

敏善

飛書相慰意頗閒暇却

寄一詩

烽火連天一鴈飛書生作健似君稀不知今夜圍城月
幾許新霜上鐵衣

陳參鎮書至云自石羊村接仗三捷解濬縣之圍
大帥奏請加巴圖魯名號喜而有作

爲君燒燭製鐃歌四座相看俠思多
市地秋聲歸畫角極天霜色擁彫戈
將軍舊績符離塞壯士新銜曳落河
我亦將家身手健詩成索酒酌橫磨

寄吳二

增

得吳二書知金鄉教匪與定陶曹滑約同日起事君抵任卽以風聞達上官預籌守禦旋鉤致四十餘賊訊得九月十五日潛入禁城之謀同官羣起譁之賴撫部不爲動遽以上

聞已而他縣變起失守金鄉獲全

單車入境靖妖氛事定須論曲突勛磨劒十年今小試謗書一篋幸全焚豈容流彗侵薇座果見前山起怪雲亦有故人能罵賊

謂曹令姚君

可憐功過已平分

送黃甥

昌慈

歸里時河北賊未平東南並有河患

傳聞風鶴鎮心驚快馬輕刀送汝行衛滑烽煙連曙色江淮波浪湧秋聲尺書早報平安字兩地都牽去住情

寄語女須相見日最圓明月照歸程

吳表兄

星華

客曹令姚君曹民爲亂同及於難詩

以哭之

年年遼海淚和血染青袍殉友情何烈捐軀義甚高屍
殘無馬革命賤委鴻毛兵解或仙去知余莫濁醪

寄陳總戎

廣寧

時大破賊於定陶

寶馬來青海盤龍見白袍先靈遺恨補

君先人死難臺灣

詞客

戰功高孤嶺一山雪錢江八月濤司農

伯元夫子

門下士懷

舊我心勞

書事八首

罪已頒

明詔求言達

聖聰草茆猶灑涕變理竟何功列戟慚勲舊懸輿保始
終

至尊憂社稷先望輔臣同

禁樹纏兵氣驚雷接礮聲北門誰臥護左道輒橫行鉤
結連三輔駢誅徼六更多慚蔡州賊不忌武元衡

風鶴傳虛警詞臣氣最豪面無先軫胄靴有李公刀禁
覲兼司隸酬庸長水曹且當勤吏事玉尺未須操

已報收張角還聞據貝州暫憑高壘險早慰杞人憂奏
捷懲夸飾乘機戒逗遛宵衣勞

睿慮太傅漫輕裘

道左迎裴相功高度轉饒兼程馳閃電輕騎截橫橋馬
策揮何壯軍容寂不囂秦師天下勁滅滑企崇朝
刀光如潑水單騎令公來賊帥仍奴畜夫人亦將才舊
勛青史在新句錦囊開拭目楊無敵長河飲馬回
稍喜真源令雍邱起義旗危城方待救土練不須疑險
自誅良吏兼防濟敵師誰吹都護曲恐誤凱歌遲
邪說何因煽年飢迫歲寒此曹寧習戰
聖意幸從寬及早黃巾棄還將赤子看田廬無恙在努
力計晨餐

哭莊同州

達吉

臨平水閣秣陵舟傷別傷春感昔遊尙有浮生千點淚

載君歸骨到江頭

哭伯鴻慟甚因追憶令弟叔枚

小山堂外雨潺潺酒冷香消話未闌
永夜夢迴思往事錯疑君尚在人間

冬夜夢迴枕上有作

紙窗明四角曉月已如煙小炷戀遙夕
孤衾束獨眠疎憐更柝傷寒覺枕函偏
記取客中意深宵話往年

三度

三度彫年柰別離而今真與訂歸期
人生最是重逢好莫似鴛鴦總不知

獨坐遲魏洛陽

涼月艷如此人疑在玉壺高眠雙燕熟清響一蟲孤積
潦通車未荒田種麥無因君于役苦我亦念菰鱸

對雪寄彭城君

未覺歲云暮寧知雪已深蘆花征雁影芋火故鄉心謝
客才應減潘郎髩易侵東山今寂寞回首憶聯吟

懷三姊

三姊蔣宜人旣寡困甚從子方增官臨川丞將往依之
于是姊年六十有九多病衰矣余客游洛下深恨不獲
諫阻夜夢與姊相持泣覺後尤惡之枕上作此詩聊當
書門大吉云爾

乍聞扶病豫章行不覺雙背淚已盈未必卑官能潔養

可堪莫齒更孤征閒中誰與消長晝夢裏猶聽喚小名
除是江神能念舊歸舟早送一帆輕

表文達公相傳爲江神既先君子同

榜進士又姊舅侍御君執友故禱及之

崇百藥齋文集第九

受業楊獻賓校字

崇百藥齋文集第十

陽湖陸繼輅祁孫

蕭寺養疴集

袁大令

通

倉山話月卷子

隨園憶別十三載此日披圖淚滿衣一榜科名前輩盡

通家兄弟訂交稀

先君子戊午己未同年皆已下世卽通家子姪梁山舟學士而外亦零落

殆盡與余年相若者獨君兄弟及盧抱經先生兩公子耳清操共有餘慶在薄宦誰

憐夙願非容易天涯重握手可堪鴈序又分飛

周教授

濟

自山東寄示近詩書後

不見周郎又五年却從客裡聽朱絃此才竟以詩人老

記事聊同野史傳略繪流民撫鄭俠直圖宿將上凌煙

卷中序劉都轉
請戰績尤詳

草茆共有旁觀淚一掬何因灑九天

別陳協鎮弼卽題畫像

春滿河陽縣風疎細柳營此時成遠別何暇念浮名憶
識陳驚座多慚陸士衡縱談毛髮動百戰箭瘡平往事
聞之熟新交忽已成客隨梁燕至心比露葵傾大嚼羅
羊炙隨行指雁程我原名將後眼向寶刀明高會花爲
幄清歌月照楹珮疑鐙畔解珠任掌中擎么鳳音猶澁
崇甬最清手談紅燭短眉語碧山瑩曲待周郎顧詩
元相賡湘靈能鼓瑟子晉解吹笙竈妾知名姓星奴
識性情鮑姑雙鬢綠羊傳一裘輕漏爲歡筵緩秋綠離
恨生朝纔徵魏絳曾容以引墓又哭劉楨謂穆參稍阻

雲龍迹旋聽風鶴聲術夸張角幻賊據貝州橫大府飛
符下將軍免胄行妻孥良友責士卒衆心并赤幟先馳
壁金鱗尙繞城孤軍分地勢九死待

天兵自此妖氛靖羞將戰績爭看花驢背穩落葉馬蹄
驚

帝許東山臥

君以傷股乞致仕得
副將銜並在籍食二品俸

旨加

天憐南浦晴

聯獅新繡服飾翠舊冠纓嫁女春潮近休官鄉思縈全
家湖上艇半子館中甥客舍行愁寂公車亦遠征分攜
艱後會結契感前盟錦字橫秋蚓離聲怨曉鶯一般供
悵惻何以荅真誠畫餅嗟無補征衣況已更人方思解
組謂會我尙試投瓊澤國空祈麥時雖州河決
尙未築隄江村正

賣錫勉畱顏色在爲爾寄茶蘅

移寓彌陀菴簡洪大

僧孫

偶借禪關掩薜蘿此間容得病維摩隔窗梵唄喧逾靜

入耳鄉音聽未訛

僧大澈常州人

自汲井華沈玉李

菴中井水頗甘儘

開簾押放金波

抱病以來不啟窗五十餘日矣

年來已醒瑤臺夢一任

槐陰日影矧

院中有古槐二株數百年物也

法源花事亦堪憐

洪寓憐忠寺

州宅今番傲樂天一樣旃檀

香較靜幾時風雨楊重聯羣奴遣後長鬚在好友來時

布被便記取小山燈火影莫教交誼減中年

君年十六余十七同

讀書莊氏小山堂是爲定交之始

百舌

一園桃李花紛紛各辭樹百舌不留春翻疑勸春去

彌陀菴曉起

身閒睡易足起與曉鐘期灑掃都已畢褰簾步階墀風微雲意倦露重草心知不識牽情夢何人醒最遲

荅劉大

嗣緒

次來韻

無端一病阻歸裝半壁燈分佛座光獨客未妨頻乞米鮮民何意更思鄉偶貪夜坐憐書盡略忍朝飢覺飯香自驗心如秋水淨試將樂意問蒙莊

懷東都故人

一掬臨歧淚沾衣尙未乾尋春虛後約選夢續前歡夜永簫聲咽譚深劒氣寒明明舊來影都向鏡中看

陳協鎮弼

與爾頻離別茲行最不禁暗消游客感幾費故人心敬

歷三年久譚從五夜深小窗燈火影懸榻待抽簪

魏同年裏

聽雨鎮連牀交深略輩行互聞殘夢醒同話旅愁長寄

扇香蘭笑牽衣惡竹妨朱顏消綺語辛苦學齊梁

錢六丈均

鄭老矜期好唯憐無酒錢一官猶待補此吏合稱仙小

鳳矜文葆塗鴉餉錦牋近來金石癖可復似從前

鄭大令敏

質

咄哉狂主簿搖筆足千秋痛飲無長夜放衙聞獨謳贈

衣猶在篋

湖行君貽艾葉豹裘一襲

載石跼歸舟爲報劉中壘

松嵐兵備

新詩病未訓

汪主簿治安

詠懷詩甫就交共阿咸深金石平生好關河此夜心朝

眠先餉粥露坐戒被衿何日分南宅

兩君並有移居荒園之約隔籬

酬苦吟

蔣縣丞維時上舍學沂

清絕張公子焚香晝掩關坐懷夸柳下遣興擬花間誤
曲爲誰顧新詞待我刪鄉思近何若莫放酒杯閒

賓

張上舍讓

司農好孫子十五已工詩一日慚吾長雙輪爲爾遲原
知無獨秀所得是相思我亦九峰客誅茆未有期

王公于敗

第 曠兄

貽我梅花障薰風吹暗香報君古銅鑑濕翠滿空堂心
鏡應同腹墨華生暮涼何時湖上艇小泊傍鷗鄉

孫通判葆

元

乍見驚雙壁相思又一年凌波花有影照夜月無煙倚
醉拋檀板投懷索錦牋千行臨別淚都作曉珠聯
花事河陽好連枝所見無言情春水膩惜別暮雲徂翦
舌調鸚母低頭作鴈奴浮名我何有所恨負清臚
一騎流星速雙行別淚潛此時啣石闕但與撫刀鐔
水田何在河陽花易闌懷人詩止汝珍重不輕刪

擬薤露

人莫不有死所貴在乘時美人及遲暮淹忽誰復思
春委芳杜當秋惜桂枝歲寒知後凋匪皆松柏姿菁華
倘終竭元髮空成絲

自題東都餞別圖并寄陳協鎮

弼

錢處士

均

五步捧一榼十步進一觴觀茲人情厚益使懷抱傷河
陽三度攀春柳一轉車輪一回首輕騎翩然墮白雲見
爾道旁歎咽久今年置閨花較遲長亭草色綠未齊一
枝紅杏誰所贈已引蝴蝶車前飛蟠桃一熟三千歲不
若霜華一畦菜鳳毛麟角求瀛洲不若籬根促織鳴相
酬潘郎身作萬花主謂魏洛陽豈有庭柯靳膏雨錢處士陳
將軍韓陵片石付與君玉簫吹裂君所聞

寄湘帆

盡日禪房閉綠苔離魂勞爾夢中來道心已到琴三疊
英氣全消酒一杯別恨鎮隨庭草長眉痕虛待勝花開
沈郎腰比前春瘦孤負香羅自翦裁

蔡七鑾揚煙雨倚樓卷子

一葉鴛湖艇年年繫柳枝難忘舊遊感況復故鄉思
乞郡知何地還山未有期畫圖頻展玩莫待髻成絲

酬趙刑部

植庭

爲作蕭寺養疴圖

以爾煙霞筆寫余雲水心奴慵知病久樹密覺窗深
日色澹於月松花吹滿琴自疑緣底事塵海愜幽衿

家同歲生芝田將歸狄道出勺庭雅集卷子索題
卽以志別

踪跡天涯等聚漚琴樽珍重畫中畱池邊艸長迷春夢
榜上花殘悔遠遊一卷共讎昌谷集

謂亡友周君筠雲

十年總

負太湖舟

君故江南人出天隨子後

江鄉米賤差堪住莫待歸來已

白頭

題憩園雅集圖爲金五

勇并序

英山尙書邸第有園曰憩園門下士張琦客楊道生支
鳳翔與公子勇讀書屬文其中數年矣尙書薨于位勇
旣奉喪歸葬復來京師迎其太夫人會琦道生亦下第
將各返鄉里固聚散之常數而諸君子念尙書平生知
己之雅惜賢豪合并之難頽仰今昔淒然以悲頽行倩
工作圖以寄其惓惓不忍別去之意繼輅與勇定交晚
于斯園也未及其盛而適丁其衰宜漠然遇之乃其頽
仰今昔淒然以悲有不異于諸君子者則又何邪姑題
辭幀端以諭世之得此圖者至尙書之所以知諸君子

諸君子之所以受知于尚書與尚書之所以教其子及其子之所以寧諸君子而以順承其父者後之人宜有所考故不著

索居亦已久乍覺蒼苔深懷抱無人同淒然撫青琴人生許寥廓況乃非故林秋蟬噪斜陽傾耳如鄉音

鬱鬱平泉樹鵲鸞共高棲秋風一以吹逝與黃葉飛不怨秋風早所惜營巢遲營巢亦匪遲離合會有期平生旁觀淚爲爾一沾衣

吳二

增

令鄴城有惠政縣諸生徐棻疏十事請余

賦詩爲著新樂府如其數

理積案

我公來來何暮長身頎頎觀者塞道路一邑雖彈丸中有十萬戶窺公意指伺公喜怒解一公坐堂皇四門洞開吏抱積牘紛前來昭然辨黑白曲者媿服直者歡如雷解二謂公仁慈不廢夏楚謂公執法嚴公實誨汝宥汝嗚呼公兮民之父解三

逐博徒

公命駕出門左右請所之公曰馬首是瞻吾將渡沂解一沂河水清不如公明公飲沂水甘使我鄰民安且寧何用寧鄰民但願女不惰織男勤耕解二男不耕事游戲白日飲博肆無忌前驅傳呼我公至聾者側耳聽眇者昂首視解三虎而冠者走矣肱篋者斂其手矣日旰兮公勞

申令者久之

解四

築汭隄

汭上吏鳴鑿鼓汭上民分隊伍惟公爲我捍患兮敢言

築隄苦

解一

卑者增傾者補我公來兮民獲寧處

解二

河之

神兮聽我語迴狂瀾兮護稷黍與公一心兮守茲土

解三

修邑志

邑有乘兮誰其續之邑有才兮誰其督之公招諸生兮

至前毋永矢兮勿告吾爲汝師兮課汝讀

解一

無菊不秀

無蘭不芳佐公輯志紛羅丹黃孝子悌弟有隱畢彰待

衰然兮成帙慰公心兮傍徨

解二

碎鼠牙

筆如刀兮殺機起於毫端皦皦素絲兮染而爲元嗟浮
雲之翳日兮明鏡無權解一隸來捉矣一家哭矣公曰一
家哭何如一路哭耶縛此鼠子碎其兩牙解二筆已折矣
如刀不磨鼠無牙兮柰我屋何解三

遣牛僧

解牛者誰跖之徒民畏跖兮如牛畏屠公粹至兮焚其
廬禦魑魅兮敢寧居解一昔有牛兮蓄無處今繫牛兮門
前樹牛亦長鳴得生趣解二出而作無荒田入而息酣夜
眠農兮農兮樂其天解三

禁拔刀

拔刀手刀在腰三三五五意氣豪行者讓畔耕者止且

復沽酒醉我曹

解一

公來按名捕棄刀走不顧雪刃霜鋒

滿道路

解二

賣刀不值錢毀刀鑄農器帶刀少年無所事

桑麻種滿村前地

解三

祀貞婦

祀貞婦律有祠五十年誰祭之神牌傾倒字蹟稀

解一

我

公來兮安其幽魂帛一束兮酒一樽

解二

飄靈風兮采旗

神之來兮雨淒淒福我民兮雙棲毋作寡鵠兮孤飛

解三

葺魁樓

魁有宿兮福之主魁有樓兮不能蔽風雨嗟滋乎魁兮

奈何許

解一

公來兮愀然繪魁象兮中懸乍輪奐兮可觀

祐此邦兮孤寒

解二

展于墓

于公墓成頽邱年年草長驅羊牛碑已仆兮銘空留

解一

于公我公前賢後賢公來展墓悽愴荒煙

解二

煙荒荒窟

狐兔邪許聲中築墳固君不見東海孝婦名周青神道亦禁樵夫行

解三

郊城八景吳大令同賦

海樓朝霞

呼吸真疑帝座通倚闌平視日升東肯教寶氣迷銀海
或有仙靈駕玉虹沂沭雙流春水碧青徐一望曉天紅
莫吟謝客驚人句下界牽情夢未終

石門夜雨

坪開巨石石成門雄鎮鄰封舊有村果否先賢曾信宿
祇餘逝水競追奔何人別艤三湘艇此夜全銷獨客魂
我亦倦游思吏隱惜無佳士共芳樽

仙洞雲壑

由吾仙蹟據層巒峭壁深潭上下看怪石倚巖驚虎臥
長松跨澗學龍蟠花迎洞口春常暖泉漱雲根夏亦寒
到此塵心應滌盡可能容我便驂鸞

禹臺柳鶯

郊子遺封尙有城高臺更以禹爲名青青水面千條柳
歷歷枝頭百轉鶯此處果宜消永晝一春最好是新晴
元圭神蹟憑誰問贏得韶光畫不成

沂水春帆

長堤芳草綠侵衣
小試蒲帆點水飛
燕子來時能話舊
白鷗眠處愧忘機
載將別恨迷春雨
偶傍斜陽誤酒旗
咫尺江南勞遠望
有人天際見依稀

白溪秋月

祇許冰心貯玉壺
蘿衣猶帶俗塵無
幾經風雨逢良夜
如許煙波蕩一珠
天遠轉疑芳桂近
秋高漸覺客星孤
方平化鶴歸來否
城郭依然在畫圖

紅厓古梅

傍水臨厓一樹梅
雪晴月曉鎮徘徊
幾生修得名花到
伴我惟應獨鶴來
謫墮仍居香世界
莊嚴轉避玉樓臺

何郎自是無鄉思
偏向揚州次第栽

龍門桃浪

疏鑿神功蹟尙存
煙波恍憶武陵源
依然絕壁開雙闕
終古春波赴一門
峰列翠屏山上下
瀑噴冰練水潺湲
乘風幾輩登臨去
雲影猶疑燒尾痕